

«Cantu ses bellu messaju cand'aras!»,

neit in "Su Messaju" Pedru Casu,

cando murmuttaiat chena pasu

«cun risu in coro e pregarìa in laras».

Tando lampizaian sas arvadas

de s'aradu 'e linna in sos atunzos,

chi frundiat in terra oro a punzos

e fini sas campagnas populadas.

Fumaian sos sulcos su manzanu



a su sole jocundu 'e Sant'Andria

e su messaju a sa prima giarìa

si ninnaiat cun su trigu in manu.

Fis bella tando, Sardigna istimada,

ma oe ses ancora pius bella:

in sa Costa Ismeralda ses istella,

che perla in sa tela ricramada.

No has vias pius a impedrados,

ne ainos, ne caddos in sa gianna

cun sos imbastos garrigos de canna

e bertulas e saccos affumados.

Has cambiadu mantu a ti 'estire

a pompa sas piattas e carrelas:

alzache fin'a chelu sas bandelas,

ca su progressu t'hat fattu imbellire.

T'han fizos tuos cantadu e brindadu



di Franco Biondi e Franco Biondi, in *Coro 'e Sardu*,
di Franco Biondi e Franco Biondi, in *Coro 'e Sardu*, Ivo Melis Editore, Cagliari 1994, pagg.